

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava Ministarstva za rad, socijalnu politiku i izbjeglice za 2018.godinu, broj: 02-14-3073/18 od 22.02.2018. godine, 02-14-11047/18 od 05.07.2018. godine i broj: 02-14-14471/18 od 24.09.2018. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 162. sjednici održanoj dana 24.09.2018. godine, d o n o s i

ODLUKU

o odobravanju sredstava za sufinansiranje rekonstrukcije i asfaltiranja dionice lokalnog puta u naselju Tujnica, MZ Liješnica, općina Maglaj

Član 1.

(Predmet)

Odobravaju se Mjesnoj zajednici Liješnica, općina Maglaj novčana sredstva u iznosu od 11.200,41 KM (slovima: jedanaest hiljada i dvjesto konvertibilnih maraka i četrdeset jedan pfening) na ime učešća Zeničko-dobojskog kantona u sufinansiranju rekonstrukcije i asfaltiranja dionice lokalnog puta u naselju Tujnica, MZ Liješnica, općina Maglaj, sa ciljem potpore održivom povratku.

Član 2.

(Analitička konta)

Sredstva iz član 1. ove odluke isplatit će se iz Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18) razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“.

Član 3.

(Uplata sredstava)

Odobrena sredstva će se uplatiti na transakcijski račun Mjesne zajednice Liješnica broj:101-145-00001942-08, otvoren kod Privredne banke d.d. Sarajevo, ID broj: 4218410990008, sa naznakom Svrha uplate: „Učešće Zeničko-dobojskog kantona u sufinansiranju rekonstrukcije i asfaltiranja dionice lokalnog puta u naselju Tujnica, MZ Liješnica, općina Maglaj“.

Član 4.

(Realizacija Odluke)

Za realizaciju ove odluke zadužuju se Ministarstvo za rad, socijalnu politiku i izbjeglice i Ministarstvo finansija svako u okviru svojih nadležnosti.

Član 5.

(Izvještavanje)

Obavezuje se Mjesna zajednica Liješnica, općina Maglaj, da Ministarstvu za rad, socijalnu politiku i izbjeglice Zeničko-dobojskog kantona po završetku radova dostavi narativni i finansijski izvještaj o namjenski utrošenim sredstvima, a najkasnije do 31.12.2018. godine.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-14544/18.

Datum, 24.09.2018.godine.

Z e n i c a

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Mjesna zajednica Liješnica, općina Maglaj (putem ministarstva),

1x a/a.

PREMIJER

Miralem Galijašević